



Universitätsbibliothek Paderborn

**Spes & Fiducia, Cvris Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 4. Deiparæ Virginitas à simplici F. Ægidio defensa.

[urn:nbn:de:hbz:466:1-49823](#)

298 Cap. XIII. Etiam per simplicissimos
tatem. At simplices, minus quidem intelli-
gunt, plus tamen volunt. Possunt igitur
docere affectu, à quibus intellectu superan-
tur.

§. IV.

*Deiparæ Virginitas à simplici Fr. A-
egidio defensa.*

Sur. in
vita S.
Ægidij
23 April.
tom. 7.

Venit aliquando ad AEGIDIUM D. Fran-
cisci simplicissimum discipulum, quidam or-
dinis Prædicatorum valde eruditus Sacra Theo-
logia, qui multis annis mire vexatus fuit hesi-
tatione quadam de perpetuâ Matris DEI vir-
ginitate. Videbatur enim ei fieri non posse, ut si-
mul Mater esset & Virgo. At tamen dolebat
ei plurimum, utpote viro bene Catholico, iſthac
hesitatio, cupiebatque ab homine diuinitus illu-
strato de hac quæſtione doceri. Audierat verò,
fratrem Aegidium egregiè illuminatum, & ſa-
piens rapi in DEVM, itaq; statuit ire ad eum,
confidens, eius sermonibus hac ambiguitate libe-
ratum iri. Cum autem iam effet in via, Aegi-
dius ſpiritu cognouit, & tentationem & aduen-
tum eius, procedensque ei obuiam, priuquam
quicquam diceret, baculo terram percusit &
auit: Frater prædicator: S. MARIA Virgo
est ante partum, moxque illic ortum est elegans
lilium. Iterum humum cadens, Frater Prædi-
cator, inquit, S. MARIA Virgo est in partu
& con-

& confessim alterum erupit lilyum. Tertio solūm feriens. Fr. Prædicator, ait S. MARIA Virgo est post partum, simulq; tertium enatum est lilyum. Mox autem Ægidius aufugit, & Doctor ille curatus est. Postquam autem didicit. eum fuisse Ægidium, multò deinceps amore, & illum & ordinem eius complexus est. Consimil modo, in Campania Galliarum Prouincia, in monasterio Cisterciensis ordinis, quod Argentes dicitur, Abbatissam vidimus, ait Cantipratanus, quæ, sine ulla litteratura artis Grammaticæ, non solùm libros Theologie; verùm etiam libros Augustini de Trinitate plenissimè intelligebat, & difficillimas questiones eorum lucidissimis solutionibus exponebat.

§. V.

Sapientia diuina parvulis reuelata.

Quàm verè dixit Christus: Confiteor tibi, Matth. 11.
Pater, Domine cœli & terra, quia abscondisti 25.
hac à sapientibus & prudentibus, & reuelasti ea parvulis? Ita Pater, quoniam sic fuit placitum ante te. Quem locum exponens S. Augustinus ita scribit: Nomine sapientum & prudentum superbos intelligi, ipse exposuit, cum ait: Et reuelasti ea parvulis. Quid enim parvulis, nisi humilibus? Addit D. Gregorius: Nec dixit: Reuelasti ea stultis, sed parvulis, tu-

Thom.
Canti-
prat.lib.
2. cap. 46.
§. 5.

S. Augu-
stin.sermon.
8.deverb.
Dom.S.
Greg.c.9.
sup.lob.

morem